

Oqaluuserisassanut nassuiaat

(Inatsisartut Siulittaasoqarfiat)

Inatsisartunit ullumimit atuutilersumik Naalakkersuisunullu ilaasortaajunnaarnissap tungaanut sulinngiffeqarnissamik qinnuteqaatinik maanna tigusaqarsimalerpugut. Naalakkersuisunut ilaasortat tulluuttut sulinngiffeqarnissamik qinnuteqarput:

Nivi Olsen, Demokraatit
Anna Wangenheim, Demokraatit
Múte B. Egede, Inuit Ataqatigiit
Aqqaluaq B. Egede, Inuit Ataqatigiit
Naaja H. Nathanielsen, Inuit Ataqatigiit
Vivian Motzfeldt, Siumut
aamma
Bentiaraq Ottosen, Atassut

Sulinngiffeqarnissamik qinnuteqaatit akuerineqarnissaat inassutigineqarpoq. (*Unillatsiarneq*) Akuerineqarput.

Inatsisartunut ilaasortaq Minik Serano Frederiksen, Demokraatit, Inatsisartunut ilaasortatut atuuffimminit atuukkunnaarnissaminik qinnuteqarpoq, taamaalillunilu Inatsisartunit tunuarnissaminik kissaateqarluni. Tamanna akuerineqarsinnaanerluni? (*Unillatsiarneq*) Akuerineqarpoq.

Demokraatinut sinniisussaq siulleq Leo P. Jørgensen taamatuttaaq atuuffimminit atuukkunnaarnissaminik qinnuteqarpoq. Tamanna akuerineqarsinnaanerluni? (*Unillatsiarneq*) Akuerineqarpoq.

Demokraatinut sinniisussat aappaat Hans-Erik Enoksen taamaalilluni Demokraatit sinnerlugit Inatsartunut aalajangersimasumik ilaasortatut nutaatut ataatsimiigiaqquneqarpoq.

Sinniisussat allattorsimaffianni sinniisussat siulliit qinigaanerup misilinneqarneranut oqaluuserisassani immikkoortup 4-p oqaluuserineqarnerani pisumut ilaatinneqarput, Inatsisartullu taamaalillutik Hans-Erik Enoksenip qinigaasinnaanera akuerereerlugu. Taamaattumik Hans-Erik Enoksenip Demokraatit sinnerlugit aalajangersimasumik Inatsisartunut ilaasortatut akuerineqarnissaa Inatsisartunut inassutigineqarpoq. Tamanna akuerineqarsinnaanerluni? (*Unillatsiarneq*) Akuerineqarpoq.

Demokraatinut sinniisussat pingajuat tassaavoq Aqissiaq Semsen. Aqissiaq Semsen atuuffimminit atuukkunnaarnissaminik qinnuteqarpoq. Tamanna akuerineqarsinnaanerluni? (*Unillatsisarneq*) Akuerineqarpoq.

Demokraatinut sinniisussat arferngat tassaavoq Inunnguaq Geronne. Inunnguaq Geronne atuuffimminit atuukkunnaarnissaminik qinnuteqarpoq. Tamanna akuerineqarsinnaanerluni? (*Unillatsisarneq*) Akuerineqarpoq.

Demokraatinut sinniisussat qulingiluaat tassaavoq Elias Nielsen. Elias Nielsen atuuffimminit atuukkunnaarnissaminik qinnuteqarpoq. Tamanna akuerineqarsinnaanerluni? (*Unillatsisarneq*) Akuerineqarpoq.

Naalakkersuisunut ilaasortanut qinigaarlaanut taakkulu sulinngiffeqarnerannut tamarmut taamaalillutik sinniisussatut aggersarneqarput:

Bo Martinsen, Demokraatit
Karen-Marie Kyed Frederiksen, Demokraatit
Iddimangiiu Bianco, Inuit Ataqtigiit
Nivi Heilmann Efraimsen, Inuit Ataqtigiit
Paarma Lund Kreutzmann, Inuit Ataqtigiit
Anders Olsen, Siumut
Knud Kleemann, Atassut

Sinniisussat taaneqartut tamarmik qinigaanerup misilinneqarneranut oqaluuserisassani immikkoortup 4-p oqaluuserineqarnerani pisumut ilaatinneqarput tamarlillu qinigaasinnaasutut isigineqarlutik. Sinniisussat taaneqartut taamaalillutik Inatsisartunut ilaasortanngorsinnaanissaminut akuerineqartussatut inassutigineqarput. Tamanna akuerineqarsinnaanerluni? (*Unillatsisarneq*) Akuerineqarpoq.

Qamannga pisumik tikilluaritsi. Inatsisartuni inissassinut ingissinnaanngorpusi.

Ukiakkut ataatsimiinneq ulloq 19. september 2025 aallartissasoq Inatsisartunut inassutigineqarpoq. Tamanna akuerineqarsinnaanerluni? (*Unillatsiarneq*) Akuerineqarpoq.